

*omnes* in textu Apostoli sumi de generibus singulorum, non de singulis generum, seu distributivis; 3. lib. *De corrept. et grat.* cap. XV, ubi Apostolum intelligit de voluntate salvandi omnes homines non formaliter, sed causaliter, in quantum Deus facit nos velle salutem omnium hominum; ergo.

Resp. *Dist. antec.* Ut excludat expositionem pelagianorum et semipelagianorum, C. ut excludat nostram interpretationem de voluntate generali et antecedente N. Voluntatem enim Dei generalem ac antecedentem salvandi omnes homines s. Augustinus nonnquam inficiatus est, ino perpetuo eam supponit, ubi agit de morte Christi pro omnibus, de gratia sufficienti omnibus collata, et in locis a nobis superioribus citatis; sed reprobavit abusum istius textus sive ex parte pelagianorum, qui ex eo concludebant Deum velle omnium salutem, si homines velint salvari, at propriis viribus, non viribus gratiae, cuius necessitatē illi negabant, sive ex parte semipelagianorum, qui admittebant quidem necessitatem gratiae ad opus bonum ponendum; sed non ad desiderandum, volendum, inchoandum; sive ex eo, quod nullam pecuniam Dei prædilectionem erga electos prædicti heretici agnoscerent, docentes Deum aque velle omnes homines salvos fieri, et quidem voluntate absolute efficaci ex parte sua. Quare merito reponebat s. Augustinus Deum voluntate absoluta, efficaci et consequenti velle salvos fieri solos electos.

II. Inst. s. Augustinus constanter tanquam pelagianam rejecit et confutavit hanc generalem Dei voluntatem salvandi omnes homines.

Resp. *Dist. antec.* Istorum sensu intellectam, C. sensu catholicico N.

III. Inst. Ergo hoc ipso, quod voluntas ista generalis pelagianis ac semipelagianis perplacuerit, suspecta est, ideoque rejicienda.

Resp. neg. sequelam. Nam constat non omnia, que heretici docent, inquit ipse Jansenius, *de Grat. Chr.* lib. VIII, cap. 21, esse heretica; mos enim solemnis omnium hereticorum est, ut falsis vera miscent, miscendoque perturbent omnia, quo venenum quasi nolle circumlitum ab incertis cum securitate hauriatur (1). Hinc, prout erronea est, juxta pelagianorum placita est rejicienda ejuſmodi generalis voluntas, prout catholicica est, juxta catholicorum principia retineri debet.

IV. Inst. Tam stupidi pelagiani non erant, ut admittent in Deo voluntatem efficacem salvandi omnes homines quantum in ipso est, que tamen non impleatur; non enim ignorabant efficacem voluntatem Dei semper impleri: ergo in eo errabant, quod admitterent

(1) Sic etiam Bossuet, *Préface sur l'explic. de l'Apocalypse*, fatur omnem errorum fundari in veritate, qua quis abutitur. Sic Massillon, *Disc. sur la vérité de la Relig.*, 1. point, addit non esse errorum nisi vitiosam veritatis imitationem; hinc Comes de Maistre in op. *Eclaircissement sur les sacrifices*, chap. 5, in annotatione: « L'erreur, inquit, ne peut être que la vérité corrompue, c'est-à-dire une pensée procédant d'un principe intelligent plus ou moins dégradé. »

generalem illam voluntatem antecedentem salvandi omnes homines, si ipsi voluerint.

Resp. *Trans. antec. Dist. conseq.* Ergo in eo errabant, quod admitterent generalem illam voluntatem salvandi omnes homines, si ipsi voluerint *viribus naturae*, C. *viribus gracie* N. Hic enim est primarius ipsorum error, quem perpetuo impugnat S. Augustinus.

V. Inst. Voluntas antecedens et conditionata non semper impletur; atqui S. Augustinus nullam in Deo agnovit veram voluntatem, que non impleatur. Nam in *Enchiridio*, cap. XCV, ait: *In clarissima sapientie videbitur... quam certa, immutabilis, efficacissima sit voluntas Dei; quam multa possit et non velit, nihil autem velit, quod non possit; quamque sit verum, quod in psalmo canitur: Omnia quæcumque voluit, fecit. Quod utique non est verum, si aliquā voluit et non fecit; et quod est indignius, ideo non fecit, quoniam, ne facret, quod volebat omnipotens, voluntas hominis impedit.* Quod nisi credamus, subdit, cap. XCVI, *perclitatur ipsum nostræ confessionis initium, qua nos in Deum Patrem omnipotentem credere constemur.* Quod, cap. XCVII, confirmat exemplum parvorum, qui sine baptismō decedunt, de quibus dici non potest, quod salvi facti non fuerint, *eo quod noluerint*; et adductis Christi verbis: *Quoties volui congregare filios tuos... et nolueristi*, interrogat: *Et ubi est illa omnipotencia, quæ in cœlo et in terra omnia, quæcumque voluit, fecit, si colligere filios Jerusalem voluit et non fecit?* Denum, cap. CIII, exposit⁹ tribus superioris memoratis interpretationibus apostolici textus, *Deus vult*, etc. addit aliam quæcumque eorum verborum exp̄ositionem admitti posse, *dum tamen credere non cogamur, aliquid Deum omnipotentem voluisse fieri, factumque non esse;* ergo.

Resp. *Dist. min.* S. Augustinus nullam agnovit in Deo veram voluntatem, que simpliciter absoluta sit, consequens et efficax, quæcumque non impleatur, C. nullam veram voluntatem, quæcumque ex parte Dei sit efficax, et conditionata ex parte creaturæ N. Id patet ex proposito S. Augustini in objectis locis refellendi pelagianos, qui nullam voluntatem absolutam, efficacem et consequentem salvandi electos admittent, sed omnem Dei voluntatem conditionatam posuerunt, conditione se tenente ex parte creaturæ, et quidem ex solidis viribus liberi arbitrii, addentes Deum non posse hominem salvare sine his naturalibus conditionibus; ad hunc autem errorem confirmandum abutebantur textu Apostoli et verbis Christi: *Quoties volui... et nolueristi.* Ceterum S. Augustinum hanc generalem voluntatem antecedentem et efficacem ex parte Dei, conditionatam autem ex parte hominis, omnes salvandi agnoscit patet ex eodem *Enchiridio*, cap. CII, ubi eodem modo loquitur S. Doctor de voluntate Dei salvandi homines ac de voluntate salvandi omnes angelos; atque Jansenio ipso fatente, *De grat. Chr.* lib. X, cap. 1, Deus habuit generalem voluntatem benevolentiam erga omnes angelos, ex qua, quantum in se est, omnium beatitudinem æternam vo-

## PART. III. CAP. II. DE VOLUNTATE DEI.

*lau, omnibusque propterea beatitudinis consequendæ* (1), *media sufficientissima largitus est; qui tamen non omnes salvati sunt, neque in omnibus impleta fuit haec Dei voluntas; ergo.*

VI. Inst. Ille censendus non est velle omnium salutem voluntate etiam conditionata, qui cum per ipsum stet ponere conditionem, per collationem nempe gratiae efficacis, eam non ponit, atque... ergo.

Resp. *Dist. Maj.* Si conditio ab ipso solo pendeat, C. si ab alio simili N. Sic *dist. min.* Deus potest ponere conditionem largiendo gratiam efficacem, que nempe talis sit in actu secundo, ut dicitur, seu ex libero hominis consensu, C. que talis sit in actu primo, seu a se efficax in sensu Jansenii, quæcumque necessitatem inferat voluntati N. Sufficit proinde ex parte Dei, ut ipse dici possit veram habere voluntatem antecedentem salvandi omnes homines, si omnibus hominibus largiatur gratias vere sufficietes, quibus si homines consenserint, de facto salutem consequantur; quod Deus utique præstat, ut suo loco ostendemus, prout Jansenio ipso fatente præstisit relate ad omnes angelos.

VII. Inst. Voluntas illa Dei antecedens et voluntas altera consequens pugnare inter se videntur; sie enim Deus vellet et non vellet omnes homines salvare; ergo.

Resp. *D. A.* Pugnare inter se videntur, si versarentur circa idem objectum, et sub eodem respectu spectatum, C. si sub diverso respectu N. Addatur Deus, juxta Jansenium, utramque voluntatem habuisse circa angelos ac primum hominem.

II. Obj. 1. Ex S. Thoma voluntas antecedens ea est, que præscindit a circumstantiis omnibus creaturæ, et 2. qualis habet judex salvandi hominem homicidam; quæcumque 3. non habet effectum, nisi voluntas consequens adjungatur, ut ipse loquitur in Lib. I. Sentent. dist. XLVII, q. 1, a. 2, et quæst. 4. juxta eundem doctorem p. 1. q. 19, a. 6, ad 1; appellanda est potius *velletitas*, seu voluntas secundum quid, quam vera voluntas; ergo ex S. Thoma hæc Dei voluntas, quæ antecedit peccatum originale, sterilis est et otiosa velletas, et 5. meret complacentie, qualis est illa, qua Deus vult etiam *demonum ac damnatorum salutem*.

Resp. ad 1. *D.* Præscindit a circumstantiis creaturæ personalibus meriti vel demeriti, consensus vel dissensus gratiae, et particularibus, C. a circumstantiis naturæ communibus, nempe peccati originalis N. Nam S. Doctor in priore ex dubiis laudatis locis aperte docet voluntatem Dei consequentem esse eam, quæ supponit *præscientiam operum*; ergo antecedens Dei voluntas juxta ipsum ea est, quæ præscindit ab haec *præscientiam operum*, et, ut ibidem loquitur, quæ præscindit ab eo utrum aliquis consentiat an resistat gratiae divinae.

Ad 2. *D.* Si esset adæquata similitudo, C. si inadæquata N. Jam vero, prout exponit ipse Gonet, haec similitudo inadæquata non est quantum ad omnia,

sed solum quantum ad aliquid. Hinc judex ut provisor particularis nulla media preparat reo, quibus ipse capitum pœnam evadere possit; e contrario Deus ut provisor generalis per voluntatem antecedentem, quæ vult omnes homines salvos fieri, dat omnibus media sufficientia ac necessaria ad salutem (1).

Ad 3. *D.* Principalem, nempe salutem, C. minus principalem, collationem scilicet gratiae necessarie ad salutem N.

Ad 4. *D.* Comparate ad voluntatem consequentem, consideratis, ut ipse ibidem loquitur, *omnibus circumstantiis particularibus*, C. in se N. Quod adeo verum est ex mente S. Doctoris, ut juxta ipsum voluntas beneplaciti, licet antecedens, actuosa sit, et cuius effectus, inquit loc. cit., est ipse ordo naturæ in finem salutis, et promoventia in finem omnibus communiter pro osita, tam naturalia, quam gratuita. Quare semper sibi coherens S. Doctor, tum alibi, tum Cont. gent. lib. III, cap. CLIX, subdit: « Deus quantum in se est, paratus est omnibus gratiam dare, vult enim omnes homines salvos fieri, et ad cognitionem veritatis venire, ut dicitur I ad Tim. II. Sed illi soli gratia privantur, qui in se ipsis gratiae impedimentum præstant: sicut, sole mundum illuminante, in culpam imputatur ei, qui oculos claudit, si ex hoc aliquod malum sequatur; licet videre non possit, nisi lumine solis preveniantur. » Ex quibus obiter observavimus non esse dumtaxat molinistarum, ut quidam dixerunt, *larga manu auxilia sufficientia omnibus conferre*.

Ad 5. *D.* Id est qualis vere habuit ante ipsum damnationem, C. post damnationem N.

Inst. 1. Voluntas conditionata est Deo indigna. Sine 2. si Deus re ipsa vellet omnium omnino salutem, inutile foret ipsum orare pro omnium salute; jam vero ex Apostolo debemus pro omnibus orare; ergo.

Resp. ad 1. *D.* Conditione se tenente ex parte ipsius Dei, Tr. vel C. ex parte objecti N.

Ad 2. Neg. maj. Deus enim potest velle omnium salutem sub conditione orationis nostræ. Addo nos orare pro ecclesia, pro pane quotidiano, licet Deus et Ecclesia firmatam et panem promiserit (2).

## DIFFICULTATES

*Adversus mortem Christi pro omnibus.*

1. Obj. Si constaret Christum pro omnibus re ipsa

(1) Gonet tom. 1, disp. 4, *De volunt. Dei* a. 5, § 2, n. 83 ubi cum sibi opposuerit exemplum, seu paritatem mercatoris qui non censemur habere voluntatem sinceram conservandi merces dum eas prouicit in mare ad naufragium vitandum, respondet nego paritatem; « Quia mercator, inquit, est aliqua persona particularis quæ solum intendit bonum particulae et utili, non vero bonum commune et generale totius universi; unde si ille posset adhibere media efficacia ad conservationem mercium, imminentem tempestate, et ea tamen respueret, vel negleggeret, non censemur habere voluntatem veram et sinceram de illarum conservatione. Deus autem est causa generalis et universalis provisor, etc. » Cfr. ibid.

(2) Cons. Tournely, *De Deo*, q. xix, art. 10, concil. 3.

mortuum esse, ideo esset, quia passim in Scripturis legitur pro omnibus Christum passum esse, dedisse semetipsum redemptionem pro omnibus, aliaque ejusmodi. Atqui ex his vocibus *omnes, omnibus, etc.* nihil confici potest; cum exploratum sit ejusmodi voces vel ad paucos restringi vel ad multos; sic Joan. XII, 32, dicitur: *Si exaltatus fuero a terra, omnia traham ad me ipsum;* Joan. I, 9: *Erat lux vera, quae illuminat omnem hominem venientem in hunc mundum;* I Cor. XV, 22, *Sicut in Adam omnes moriuntur, ita et in Christo omnes viviscabuntur;* licet de facto Christus nec ad se omnes traxerit, nec omnes illuminet, nec omnes viviscet; ergo.

Resp. *Dist. maj.* Etiam, C, tantum N. Recolantur dicta in probationibus. *Neg. min.* Ad prob. D. Scriptura has voces saepe restringit ac limitat, Tr. semper et in casu nostro N. Absurdum enim est concludere nunquam in vera sua significatione ac latitudine accipi voces *omnes, etc., ex eo quod eadem voces interdum limitentur.*

I. Inst. Scriptura in casu nostro hanc vocem limitat, si expresse affirmet Christum pro *multis* damnata mortuum esse; atqui.... Etenim Matth. XX, 28, Christus testatur se venisse *animam suam dare redemtionem pro multis;* et cap XXVI, 28: *Hic est sanguis Novi Testamenti, qui pro multis effundetur in remissionem peccatorum,* seu prout legitur apud S. Lucam cap. XXII, 20; *Qui pro vobis fundetur, et Hebr. IX, 28: Christus semel oblatus est ad multorum exhausti peccata;* ergo.

Resp. *Dist. maj.* Si expresse affirmet Christum pro *multis* mortuum esse, ita ut vox *multis* supponat pro *Omnibus, C. pro multis tantum, subdist. effectiue, C. affective N.* Dist. pariter minorem. Itaque observat ipsem Augustinus, *Op. imperf. lib. II, cap. CLXXV: Non repugnare omnes multos significare, quia ipsi omnes non pauci, sed multi sunt.* Deinde concedimus Christum reipsa quoad effectum, seu salutem in actu secundo, non mortuum esse nisi pro multis, quia de facto non omnes salvantur; sed contendimus eum quoad affectum, seu intentionem suam in ordine ad media salutis omnibus obtinenda et applicanda, pro omnibus, nemine excepto, mortuum esse. Quod si non omnes salvantur id ex culpa solum reproborum est (1). Nec prætereundum est, ex collatione textus S. Matthæi cum textu S. Lucæ evidenter

(1) Atque hic illorum solutio, quam plures tamen dare solent, non vide ut satis accurata, quum dicunt Christum mortuum esse pro omnibus quoad sufficientiam, non tamen quoad efficientiam sive effectum? Si enim sermo esset tantum de sufficientia preiij a Christo soluti, jam nulla superasset controversia cum jansenistis. Ipsi enim ultra dant, pretium sanguinis Christi sufficiens esse ad omnium solvenda peccata, imo et damnatorum et demonum etiam. Sed controversia est, utrum Christus tale pretium solverit ad prætereundum omnibus gratias necessarias ad salutem, nee ne; et præterea an eas ita præmeruerit ex intentione eas re ipsa omnibus conferendi, et non solum offerendi, quin re ipsa tribuat, ut nonnulli autuant.

(1) Τὸν δὲ ποντὸν τῶν μη ὑπέρ τῶν προθέτων, ubi observandum in Graeco textu non haberi meis.

constare, Christum etiam pro reprobis sanguinem fudisse: siquidem Judas reprobis, prout fert communis sententia, erat unus ex communicantibus, et Iamen Christus dicit: *Pro vobis fundetur;* ergo.

II. Inst. Atqui Scriptura restringit vocem *omnes* ad multos, ut multorum nomine non veniant nisi electi; nam Apoc. V, 9 dicitur: *Redemisti nos Deo in sanguine tuo ex omni tribu et lingua, etc.* et Joan. X, 45: *animam meam pono pro oibus meis* (1), et alias omissis Matth. XV, 24, Christus aperte declarat se non esse missum, *nisi ad oves, quae perierunt domus Israel;* nec omnes viviscet; ergo.

Resp. *Dist. antec.* *Nisi electi* quoad efficaciam in actu secundo, seu quoad effectum, C. quoad efficaciam in actu primo, seu quoad affectum, et gratiae necessariae largitionem N. Responsio patet ex dictis. Quum igitur Scriptura redemptionis beneficium restringere videtur, sive cum dicit Christum mortuum esse pro electis, vel pro oibus suis, ut in locis citatis, sive quum alibi dicit eum mortuum esse pro credentibus, *ut omnis, qui credit in eum, non pereat;* vel prius, qui sunt in ecclesia: *Tradidit semetipsum pro ea;* haec dicuntur non in sensu exclusivo, sed præcisive, id est, præcise affirmat Scriptura Christum mortuum esse pro electis in sensu a nobis exposito, nec tamen negat ipsum mortuum etiam esse pro ceteris, sed solum ibi de illis retinet, quod alibi non semel, ut vidimus, clare inculcat. Christus proinde redemit omnes, vocavit multos, salvavit paucos, quia omnes suo modo vocantur, multi credunt, et pauci perseverare volunt.

III. Inst. Pro illis solis mortuus est Christus pro quibus oravit; atqui oravit pro solis prædestinati; nam Joan. XVII, 9, Christus sic Patrem orat: *Non pro mundo rogo, sed pro his, quos dedisti mihi;* ergo.

Resp. *Dist. maj.* Oravit pro solis apostolis, seu pro solis prædestinati, hac singulari oratione, Tr. nunquam oravit pro omnibus N. Hinc dato etiam, quod in citatis locis Christus oraverit pro omnibus et solis prædestinati, nihil inde concludi potest, nisi probetur Christum nunquam pro aliis orasse. At vero tantum abest, ut hoc probetur, ut potius contrarium constet: nam in hac eadem oratione v. 20. orat pro omnibus creditur, dicens: *Non pro eis autem rogo tantum, sed et pro eis, qui crediti sunt per verbū eorum in me;* v. 21 orat, *ut mundus credat, quia tu me misisti;* Lue. XXIII, 34. orat pro suis tortoribus; *Pater, dimitte illis;* et alibi legimus: *Erat pernoctans in oratione Dei* (Luc. VI, 12); ergo.

IV. Inst. 1. Si Christus orasset pro omnibus, omnibus de facto obtinuisse salutem, cum Christi oratio semper exaudita fuerit a Patre: *Ego sciebam, ait ipse Christus, Joan. XI, 42, quia semper me audis, et Hebr. V, 7 de Christo dicitur: Exauditus est pro sua reverentia;* atqui non omnes salvantur; 2. concludendum est igitur cum Jansenio Christum orasse pro quibus-

sionem peccatorum consequitur et salvantur; si non impletur, damnantur et perirent, prout damnantur reprobri, qui conditionem istam non implet, et ideo non implet, quia nolunt implere, ita ut nemo dicere possit: *Per Deum abest* (Eccl. XV, 11), quominus salvus sit.

II. Obj. Ex ss. patribus. S. August. *Tract. I, in epist. Joan. num. 8,* expendens verba illa: *Ipse est propitiatio... pro totius mundi,* intelligit mundi nomine ecclesiam, pro qua sola Christus mortuus est, *Tract. autem LII in Joan.* expendens illud Christi: *Omnia traham ad me ipsum, exponit de omnibus prædestinatis;* sic lib. XXI, *De civitate Dei, cap. XXIV,* exponens verba Apostoli, Rom. XI: *Conclusit omnia in incredulitate, ut omnium misereatur, ait: Omnia itaque miseretur vasorum misericordia... eorum scilicet, quos ex gentibus, et eorum quos ex Iudeis prædestinavit, vocavit, justificavit, glorificavit, non omnium hominum, sed istorum omnium neminem damnatur;* quia, ut scribit ad Evodium, *Epist. CLIX, alias CII: Non perit unus ex illis, pro quibus mortuus est Christus;* atque ut habet *De adult. conjugis, lib. I, cap. XV: Omnis, qui sanguine Christi redemptus est, homo est; non tamen omnis, qui homo est, etiam sanguine Christi redemptus est.* Ergo juxta S. Augustinum Christus pro solis credentibus, seu pro solis potius prædestinati mortuus est. Addi possunt Prudentius episcopus Trecensis in *Tractatoria;* nec non S. Remigius episcopus Lugdunensis in lib. *De tribus epistolis,* et in lib. *De tuenda veritate Scripturæ,* ubi capitulum IV Carisianum, de Christi morte pro omnibus, velut absurdum et erroneum reprehendit; item concilium Valentinius III, damnans eundem canonem Carisiacum, definiensque Christum pro solis credentibus mortuum esse; synodi Lingonensis et Tullensis, quarum capitula confirmavit Nicolaus I (1); ergo.

V. Inst. Juxta S. August. *De civitate Dei, lib. XXI, cap. XXIV: Si de aliquibus certa esset (ecclesia), quod prædestinati sint in aeternum ignem ire cum diabolo, 1. tam pro eis non oraret quam nec pro ipso.* Atqui Christus neverat reprohos ad aeternum ignem destinatos. Ergo pro eis non oravit, 2. imo nec mortuus est; alioquin poenas luisset peccatis reproborum debitas, qui proinde jam damnari non possent.

Resp. ad 1. *Dist. maj.* Non oraret consequenter ad prævisam eorum damnationem, C. non oraret antecedenter ad ejusmodi prævisionem, N. Sic dist. cons. Christus pro eis non oravit consequenter ad prævisam eorum damnationem, C. antecedenter ac præcisione facta ab usu vel non usu gratiarum, quas ipsis promeritus est N. Reprobatio enim non est nisi effectus abusus seu non usus gratiarum; gratias autem ad salutem necessarias Deus, ex S. Thoma loc. cit. et ut nos suo loco ostendimus, omnibus concedit quia vult omnes homines salvos fieri, misitque Filium suum, ut daret semetipsum pro omnibus; proprio enim filio suo non pepercit, sed pro nobis omnibus tradidit illum, ut ait S. Paulus (Rom. VIII, 32), ut quemadmodum omnes in Adam mortui sunt, sic in Christo, quantum ex se erat, viviscarentur.

Ad 2. D. Peinas peccatis reproborum debitas luisset conditionate, C. absolute N. Nempe Christus passione sua meruit pro omnibus gratias, quibus homines bene utentes applicarent sibi merita mortis suæ; que conditio si ab hominibus impletur, remis-

(1) *De gratia Chr. lib. III, cap. 21, p. 164, col. 2.*  
A. Item pag. 165, col. 2, C.

Neque omittendum est, 4. propositum patrum et conciliorum auctoritatem Christus pro solis credentibus mortuus est, imo pro electis, ad obtinendum eis de facto fidem vel salutem coherenter ad voluntatem Dei consequentem, C. pro solis credentibus vel electis mortuus est ad exceptionem infidelium et reproborum, ita ut eis non promeruerit media sive gratias necessarias ad fidem ac salutem coherenter ad voluntatem Dei antecedentem N. Dummodo haec principia probe teneantur, difficile non est illas patrum ac conciliorum sententias, quae specie sibi contrarievidentur, conciliare.

(1) Jans. tom. III, lib. III, cap. 21. pag. 105, col. 2,

erga omnes sive prædestinatos sive reprobos, adeo ut utrumque discretio, ut sepius diximus, *a solis pendeat naturæ viribus.*

2. Ilas auctoritates, si ad vivum resecari deberent, æque premere adversarios, qui concedunt Christum obtinuisse reprobis *gratias saltem temporales.*

3. Capitulum IV. Carisiacum damnatum fuisse tum a synodis Valentina ac Tullensi tum a s. Remigio Lugdunensi errore facti deceptis, eo quod putaverint eo sensu concilium Carisiacum destinuisse Christum pro omnibus mortuum esse, ut mortuus pariter fuerit pro daemonibus ac damnatis (1). Prudentius autem Trecensis nullius hac in parte auctoratis est, utpote qui ad errores prædestinatianorum declinaverit.

**PROPOSITIO III.** — *Deus voluntate seria et antecedente vult etiam infantes decedentes sine baptimate salvos fieri, et Christus pro iisdem mortuus est.*

Hæc propositio pia est et communis inter theologos; nam eadem argumenta, quæ militant pro generali Dei voluntate salvandi omnes prorsus adultos, æque militant pro voluntate Dei salvandi omnes infantes, quacumque demum ratione ex hæc vita sine baptismo eripiantur; imo majorem quodammodo vim pro infantium salute præ se ferre videntur, quatenus infantes ea impedimenta divinæ gratiæ non opponunt, quorum tamen salutem Deum, quantum ex se est, vere exoptare ac velle ostendimus.

Quare generali hoc solo argumento hanc propositionem evincimus: Deus sincere vult etiam istorum infantium salutem, si Christus et pro his infantibus sanguinem suum fudit ac mortuus est, ut ipsi pariter in eo viviscarentur; atqui...

Jam vero minor evidenter patet ex auctoritate Apostoli, II Cor. V, 14, 15: *Si unus pro omnibus mortuus est, ergo omnes mortui sunt; et pro omnibus mortuus est Christus.* In quæ verba hæc habet s. Augustinus, Op. imp. contra Julianum, lib. I, cap. LXIV; *Unus pro omnibus mortuus; ergo omnes mortui sunt.* Conclusio hæc Apostoli invicta est, ac per hoc, quia ET PRO PARVULIS MORTUOS EST, profecto etiam parvuli mortui sunt. Et ibid. lib. II, cap. CLXIII: *Clamat Apostolus: ergo omnes mortui sunt, et pro omnibus mortuus est; et vos reclamatis: non sunt mortui parvuli; clamate et quod sequitur: ergo non pro ipsis mortuus est; ergo.*

Ad præoccupandas adversariorum difficultates notandum est hanc Dei voluntatem antecedentem sub duplice respectu conditionatam dici posse; tum scilicet ex parte parentum, tum ex parte ordinarii naturæ cursus; quatenus Deus, quantum ex se est, velit quidem et hos salvos fieri, et applicari ipsis

(1) Patet ex ipsis verbis can. iv, Conc. Valent. in, apud Labbeum, tom. viii, col. 436, et can. iv, Conc. Tullens, iisdem verbis concepti ac can. iv, Syn. Valent. Ibid. fol. 690. Cfr. de hoc arg. Petav. lib. xviii, *De incarnat.* cap. 8 et seqq.; et Caroli du Plessis d'Argentré soc. Sorbon. *Commentarium historicum de prædestinatione ad gloriam et reprobationem.* capp. 7 et 8. Lut. Por. 1709.

media ipsa generalia, quæ et pro ipsis præparavit, dummodo tamen non obsistat reali istorum applicationi aut perversa parentum voluntas aut aliqua ipsorum culpa ac negligentia, vel dummodo non obstat ordinarius naturæ cursus, quem ipse utpote provisor universalis non vult perturbare et impedire, ut istis infantibus in particulari salutis media de facto applicentur; alioquin perpetuo ad miracula configere deberet. Hinc antecedens hæc Dei voluntas juxta nostrum concipiendi modum ratione prior est prævisione istorum impedimentorum; e contrario voluntas Dei consequens circa effectivam infantium salutem et perditionem ea est, quæ eorumdem impedimentorum prævisionem subsequitur.

## DIFFICULTATES.

I. Obj. 1. Deus non vult salutem illorum, quibus nulla præparavit aut confert media ad salutem consequendam idoneam; atqui tales saltem infantes sunt in utero matris morientes; ergo.

Resp. *Dist. maj.* Quibus nulla præparavit aut confert media ad salutem consequendam idoneam nec immediate neque mediate, *Tr.* saltem mediate *N.* Tales sunt infantes isti, quorum parentibus Deus auxilium sufficiens et idoneum confert pro loco et tempore, quo non solum propriæ, sed etiam saluti filiorum propiciant. Ita auctor librorum *De vocat. gentium,* lib. II, cap. XXIII: *Non irreligiose arbitror credi, inquit, neque inconvenienter intelligi, quod isti paucorum dierum homines ad illam pertincent gratiæ partem, quæ universis semper est impensa nationibus, qua utique, si bene uterentur eorum parentes, etiam ipsi per eosdem juvarentur.* Semper propterea supponitur aliqua culpa ex parte parentum aliorumve quorum curæ commissi sunt, ob quam infantes decedunt sine regenerationis lavacro.

Resp. 2. *Dist. maj.* Non præparavit media ad salutem idoneam ex defectu parentum, vel naturalis causarum secundarum ordinis quem Deus ut provisor universalis impidire non vult, *C.* ex defectu confertenis, nempe Dei *N.* s. Thomas in lib. IV. *Sent. dist. VI, q. 4, art. I ad 1: Dicendum,* inquit, *quod non ex defectu divinæ misericordiæ (infantibus) in maternis uteris existentibus remedium non exhibetur; sed quia non sunt capaces illius remedii... quia non possunt subiecti operationi ministrorum Ecclesiæ, per quos talia remedia ministrantur.* Quia scilicet, ut observat Suarez, *De providentia gratiæ circa reprobos,* lib. IV, cap. IV, num. 10, divinæ voluntatis affectus circa aeternam salutem horum parvolorum habet rationem cuiusdam intentionis illius finis, quatenus per media comparari potest, seu, ut loquitur n. 12, per quæ salus applicari solet (1). Utraque responsio bona est; cum quilibet seligat, quæ magis sibi arri-erit.

(1) Cfr. *De providentia gratiæ* lib. iv, cap. 4, ubi fusa hæc evolvitur materia, et rejecta illorum theologorum sententia, qui voluntatem Dei circa horum infantium salutem exponunt de mera quadam complacentia, quæ reperiiri in Deo potest etiam quoad damnatus,

II. Obj. s. Augustinus sensit Deum nullo modo velle istorum infantium salutem; ceteris enim locis pretermis, Ep. CCXVII ad Vitalem, num. 17, ita loquitur *S. Doctor:* *Quomodo dicitur omnes homines eam (gratiam) fuisse accepturos... cum multis non detur parvulus, et sine illa plerique moriantur? et aliquando cupientibus festinantibusque parentibus, ministris quoque voluntibus ac paratis, Deo nolente, non detur, cum repente, antequam detur, expirat, pro quo, ut acciperet, currebat;* ergo.

Resp. *Neg. antec.* Ad prob. *D.* Deo nolente voluntate consequente, *C.* voluntate antecedente, vel *N.* vel *subdist.* voluntate negativa, non tollendi scilicet illa impedimenta, *C.* voluntate positiva, seu ex directa ordinatione impedimentorum *N.* Excludit s. Doctor voluntatem solam efficacem et absolutam, non

pergit eximius doctor ostendere, quomodo vera ac proprie dicta sit in Deo voluntas circa salutem talium infantium, et quomodo vere ac proprie pro iisdem Christus mortuus fuerit, et si salutem et fructum Christi mortis de facto non consequantur ob impedimenta recensita, quæ Deus vincere ac superare non intendit generali illa voluntate; vocataque hanc sententiam communionem inter theologos. Ibique argumenta Vasquezii in 1 part. S. Thomæ, disput. xcvi, cap. ii, soluta inveniuntur. Profecto, si Vasquez prævidisset quo pacto Jansenius sua erat sententia abusurus, in eam minime concessisset. Id ipsum de nonnullis aliis recte pronunciare licet. Addo Vasquezium fortasse nonnisi verbis a communis Theologorum sententia recedere; sic enim scribit in 1. part. S. Th. q. cxi, cap. 3: « Ceterum tribus de causis dicere possumus Christum pro omnibus parvulis mortuum esse, qui tamen pro daemonibus nullo modo mortuus dicitur: primo, quia communis erat causa parvorum et omnium hominum, ob quam venerat, et pro qua oravit, extra quam daemones omnino erant. Secundo, quia justæ et pie credimus Christum non expresse denegasse ullis parvulis meritum suum, et a fructu sue passionis apud Patrem eos exclusisse, sicut daemones rejecit. Tertio, quia non minus pie affirmare possumus Christum voluntate simplicis affectus omnibus parvulis, nemine excepto, etiam post peccatum primi parentis, salutem desiderasse, sicut sibi ipsi vitam concepivit, atque ita pro omnibus orasse, ut salutem consequerentur, sicut pro se, ut liberaretur a morte, sed cum ea conditione, quam pro se facta adjecti: Verumtamen non mea, sed tua voluntas fiat. » Deinde dicta confirmat auctoritate S. Prosperi.

(1) Tom. iii, lib. iii, cap. 21, p. 164, col. 1, B.

## DE DEO EJUSQUE ATTRIBUTIS

### PARS QUARTA.

## DE PROVIDENTIA AC DE PRÆDESTINATIONE.

Ad divinam scientiam simul et voluntatem, ut animadverterit s. Thomas in procemio quæstionis XXII, potissimum spectat tum generalis rerum omnium providentia, tum peculiaris Sanctorum prædestinationis; quare ordo doctrinae postulat, ut de his distinctis capitibus max dissenseramus. De divina autem seu beatifica visione, quæ est prædestinationis objectum et finis, commodius agemus in tract. *De Deo creatore.*

#### CAPUT I. De providentia.

Recte divina providentia, quæ a procul videndo dicitur, definitur a s. Thoma, p. 1, q. 22, art. 1: Ratio ordinis rerum in finem in Deo existens (1).

(1) Praclare a Seneca, Ep. lxxi, 13, editionis